

舜水遺書

一
函
十二冊

舜水遺書序

方明之亡吾江浙老先志存匡復發憤以扞華夷之大坊至斷脰湛族而不顧者前踣後繼跡其謀議臚舉時有疏密及力殫計盡成就破滅要能奮身死難斯爲烈矣若邈行蜚遞用晦自全終老山海之隅者何可勝道語曰非其政不履其地洿其君不食其利吾求之明遺民得舜水朱先生蓋其尤焉先生遭剝窮之會躬盤桓之貞時方幬幘朋黨浮華交會之徒盈天下先生獨穆然無聞江浙義旅興嘗預贊畫而不可榮以祿播遷海表逡巡以去唐魯祚訖遂老東邦慨慕周餘蟬蛻羶穢窮居三十年島人誦義彼邦儒雅彬彬萃門尤多識明之典章達乎政事不爲空言日本水戶侯源光國事以三老乃爲之立橫舍以

興教定廟次以明祭示以衣冠之式以致文詔以棺槨之制以厚終卉服之倫皆以爲吾儕能幸識中土之禮義非先生不爲功生見嚴師歿爲誓宗亦詎不宜顧康雍以來述遺民者往往不知有先生太沖記兩異人甚至諱朱作諸去國之夙性峻少附歟不自襁飾孤行其是本無人之見者存歟先生生餘姚而講學不宗陽明不交太沖信乎能自立者於浙東諸率獨推王完勳他無所契易曰君子以同而異其先生之謂邪睹鄭成功羣下慄輕知其取敗召而不謁見係越南抗節不辱折其君相可爲彊毅知禮矣夫其抱器不反有箕子之明非世甘餓有鮑焦之介至於黃髮羈旅殊俗歸德況尊西河侔化管寧自明之遺民未有斯軌也予讀陸士衡豪士賦以謂循心爲量則隆殺

有域因物成務則豐約惟遇故時至勢得庸夫可以濟聖賢之
功斗筭可以定烈士之業斯言歷久彌驗苟爲不當其運雖智
參伊管勇齊賁育猶無益也明社竟屋非士之不足亦天實爲
之矣竊悲先生齋義長沒乃獨區區名傳裔土事不編於惇史
行不綴於耆舊嗟彼遐外猶知寶其遺物守其祠墓二百餘年
無改其臨終遺言謂胡運一日不終一日不願歸葬中國既革
命先生族裔復往日本躬拜其墓彼中多閎碩理先生遺言浙
人之私淑者先於杭地立一學社堅推壽潛爲之長請建專祠
於議會不可壽潛乃與浙路董會諸君特建祠於清泰門側而
謀分其所藏器物於日人歸而爲衣冠之墓爰令女夫故會稽
馬浮奉彼中所槩先生遺集重加編定別爲類目敢敘其所以

重先生者使後之君子得覽觀焉泚筆涕下旣憫逝者行自傷
也民國二年八月後學湯壽潛

舜水遺書目錄

文集二十五卷

釋奠儀注一卷

陽九述略一卷

安南供役紀事一卷

附錄一卷

按日本甄朱舜水先生文集二十八卷門人水戶侯權中納言從三位西山

源光國編日本正德五年

清康熙十四年

其子綱條刻於西京彼邦謂之水戶本

先是加賀侯文學五十川源剛伯嘗從舜水受學亦編錄遺文爲朱徵君集

十卷以貞享元年

康熙二十二年後舜水歿六年舜水以上之加賀侯侯好

康熙十七年卒當日本延寶七年也

之欲因以校補未竟而侯卒傳本罕見至近年稻葉岩吉始得加賀本取以

參校水戶本互有出入乃以二本合梨其已見水戶本者削之但存其目二

本皆無詩又取張廷枚姚江詩存所錄泊舟稿附之題曰朱舜水全集是爲

新本尋水戶加賀二本類次陵躡頗乏體要新本晚出哀錄較完而因仍舊
貫三本錯列讀者憾焉今頗有所刪定釐爲文集二十五卷正其譌舛使就
紀理其釋奠儀注一卷陽九述略一卷安南供役紀事一卷名在乙部舊入
文集不當今悉別出總爲舜水遺書又按今井弘濟安積覺撰舜水先生行
實云先生嘗爲水戶上公撰學宮圖說日本初建文廟依以營構今集中乃
無是書蓋已亡佚謹附著其目於此癸丑八月校寫訖馬浮識

舜水文集目錄

卷一

詩

卷二

賦

卷三

疏揭

策問

卷四

書一

卷五

書二

卷六

書三

卷七

書四

卷八

書五

卷九

書六

卷十

書七

卷十一

書八

卷十二

啓 雜帖

卷十三 答問一

卷十四 答問二

卷十五 答問三

卷十六 議

卷十七 序

卷十八 記

卷十九 論辯 雜說

卷二十 贊箴 銘

卷二十一 碑銘

卷二十二 祭文

卷二十三 雜箸一 字說

卷二十四 雜箸二 札記 雜評

卷二十五 雜箸三 雜說 雜題識

舜水文集卷一

明餘姚朱之瑜撰

詩

遊仙詩十二首

精氣化網緼冥冥天地始雙丸互騰擲至人安久視傳聞周老聃乃是廣成子變
氣隨九宮心遠跡偏邇有熊鼎既成穆王駿亦駛飄飄出故關流沙幾千里遐舉
復何爲避人良有以寥廓望無垠東去雲猶紫

羽化恣逍遙浮邱善相鶴持贈王子喬遨遊出伊洛伊洛通濁流黃河天半落岐
山鳳不來吹笙振林薄揮手上嵩山周京氣蕭索帝子降秋風月寒照虛壑

崇霞被千里北上昭王臺香風拂纓縷翔舞雙鸞開的皜洞光珠宛轉入君懷照
見三齊路城闕生蒿萊旣授樂生柄復契甘需才燧林路伊邇芳艸思悠哉

言登小夏山朝日開層霧大鳥唳長空猶疑王次仲靈書變篆文豈爲嬴秦用雲
際墮三峯健翩遙天送

南關有逸士卑居念宗室因緣北郭生爰受神丹術玉井粲蓮花危峯標翠嶺巨
蹠決洪河頽流去何疾飛光若流電母乃玄珠失瑤草生紫烟先春結芳實赤城
霞氣中時時駕鴻出

瓊田產神芝葳蕤似菰葉東風長秀莖盈盈甘露澗遠道隔橫川千夫駕舟楫君
房良解事因風占利涉孤嶼負靈鼇近與祖洲接遂乘白虎車奉使修玄業黑點
指登州白波輕卷氎嘯傲坐中林天門授雲笈

遠水蒸丹霞桃花不知數仙語落雲中再至豈容誤君非避秦人覲面不相晤
子房瀟洒人早歲友黃綺自見長桑君慷慨念國恥吁嗟一擊誤飛迹千里徙浮
沉閭黨間潛踪尤譎詭故人采紫芝匿影空山裏故使圯下翁脫屣示深旨嚴霜
下五更對語興亡理際會及風雲婉孌出餘技俛仰思舊遊浩然不可止不師黃
石公去從赤松子

桂樹粲白石淮南有小山感念厲王事中夜起長嘆懷古傳離騷撫卷流洸瀾潛
心訪奇士秘簡披荆班八公何爲者皓齒自叩關沉香燒百和玄經授玉丹旋聞

宗至正仙去遂不還徒有鷄犬聲遙在雲霞間

靈山求上藥偶至吳市門一照越溪水感慨聲暗吞千年種蠡才寥寥不復聞坐見滔天莽讖應沙麓痕陽明藏金簡神禹迹尙存冥鴻高逝意可與知者論

炎精一朝熄舜禹在許都焦生竟遠引結草爲精廬山花發異彩萎謝成樵蘇高臥風雪中顏色常敷愉

神蹟留詭奇始信非常道披髮示雅容獨倚蘇門嘯當塗倏陵遲俄聞太傅召斷袍啟先機單衣從所好稽生揮五弦妙臻廣陵操豈知弦外音畏佳合冥造由來山澤癯寂處自埋照丹梯近可陵一往迹如掃

吳霞舟先生惠詩

按吳名鍾櫛武進人魯王監國起家拜禮部尙書死舟山之難

孤生倚知己飄泊謝浮名自接瑤華贈能禁白髮生八閩秋水闊三楚曉雲橫漫作山中約歸耕向四明

漫興

遠逐徐生跡移舟住別峰遺書搜孔壁仙路隔秦封流水去無盡故人何日逢鄉

書經歲達離恨轉重重

錢塘

天際銀幡立鵑夷怒未消定知千載上江水不生潮

右見張廷枚姚江詩存云得之

邵晉涵誤題先生之名爲之璵
按先生門人日本安積覺撰朱文恭遺事云竹洞野友元示先生一詩云在
安南旅寓所賦其詩曰治劇從容緩策銜鈴軒無事日清談隼旗畫戟明千里
紙帳繩牀自一庵金奏屢陳容客和玉山不動看賓酣今我來邇逢新政忘生
漂流身在南近久保天隨撰日本近世儒學史亦采之按此詩殊不類先生
在安南日前後所草書疏具載供役紀事云不云有詩疑出依託不敢濫入稻
葉岩吉新編舜水全集刃削而不錄岩吉并云熙朝詩舊中有先生詩云九州
如瓦解忠臣苟偷生受詔蒙塵際晦迹到東瀛回天謀未就人依託不夜明
寄孤島抱節比田橫已開鼎命幾西望獨吞聲蓋亦出彼邦人依託不夜明
爲先生詩也

舜水文集卷二

明餘姚朱之瑜撰

賦

堅確賦

按安南供役紀事云三月三日安南國王遣人寫一確字來問予意其風之也聊舉堅確等義爲解遂作賦云

歲在丁酉三月上巳余日執役王家來茲廣漠之野叢枯穀茂

寓側修竹盡枯死維穀榮茂彼神叢

轉輾相假故云然

非修禊之蘭亭流清湍激寓南濁流迅駛懷萬壑之泠泠塊然環堵之中匏也

茅茨之下異桃李之芳園奚文章之相假形淒影其何對月兮三人已獨人皆存
流風乎一我迺有白叟龍鍾躑躅踟躕抱持樂器就坐簷隅方跼空中一角直矗
拳匏外向孤絃內腹彈撥難調非絲非竹齒疎淚浥疑歌疑哭不足目陶我神情
適足目擾我慎獨忽逸興之遄飛慕觥籌兮相逐飯蔬水兮愆期况流觴而聽肉
身枯槁兮神馳騁芳蘭兮川谷於焉有客外至是非問奇書掌布畫確字謹持余
迺舉說文而解義攷證據兮紛披志意堅確兮不忒話言明確兮罔移於是言笑

燕燕乞賦乞詩詩題確論意不支離賦志堅確不競文辭朱子肅襟危坐而答曰
嗚呼噫嘻客何爲而及乎此也確乎確乎學力所成微乎微乎析理斯精確則絲
堅而致堅不能並確而陳堅之蔽固固之蔽陋而確不與固陋兮爲鄰歷百年而
非故忽嬾代而非新道同德嬾磨之不去身處傾危招之不親非晰精微於觀火
曷能當震撼而凝神涅之緇之莫汚其白磨焉磷焉孰漓其淳硜硜者其象乎硜
硜者言必信行必果確然者言不期而自無遊行行不期而自無偏頗硜硜者其
質乎硜硜者保護之而僅完擊剝之而旋缺確然者是非眩之而益明東西衝之
而不決然則其貞乎貞固足目任事終不渝而始不諒意者其真乎質與實而無
僞誠與一而皆當潦水盡而寒潭清煙光凝而暮山紫吾目探確之源山高月小
水落石出吾目定確之理澄之不清淆之不濁吾遊夫確之神逝者如斯而未嘗
往盈虛者如彼而卒莫消長吾又莫測夫確之底裏往來沖沖允執其中不憂不
惑清醒自得求之古人郭林宗申屠蟠庶幾近之林宗確乎不拔爲世宗師申屠
免於評論超卓之姿若夫信之不篤守之不善幾何不如韋而如脂然而所未至

者母意母必與世推移變變化化聖不可知蓋可權者與立之深造而至誠者能化之根基既已歷善信而充實盍亦絳光輝幾聖神而孳孳乃所願者時中之君子措之仕止久速而咸宜

遊後樂園賦

并序

水戶侯宰相公曰苑中櫻花盛開集史館諸臣曰賞之因特使相招況前已夙戒余即時遄往先後諸賢徘徊瞻眺悅目娛心留連無已執事近臣親司飲饌亭臺邸閣在在供張辟公而崇折節高貴而慮下人事皆出於誠然意不尙乎虛飾吾未見其有至於斯者也惜也瑜德薄學荒涓人馬骨耳使眞得賢人而用之其德業所至必當輝煌千古豈徒令遊覽者有感於斯文賦曰

己酉春三月十九日櫻花燦發繁麗偏反萬卉咸奮敷紺綠曰乘暄上公乃召儒臣曰燕樂特開邸第之芳園余曰異邦樛朽倚蒹葭於玉樹之藩轉落英之曲逕經臥波之長橋爭妍競豔目炫心招輯羣櫻曰作迴廊蹀躞芬芳聯數里結蟠藤而成厦屋旖旎組紉列三千縈迴鳥道瞥見平田羊腸屈曲足音蹙然一隻出若

耶之谷千人阻關隘之前目欲暇於應接後者擁而推遷卉木之叢淵澄之際有

瓢一亭兀然名曰團瓢
草覆者爲草團瓢

如掌中置古騷人西行無冬無夏露月雲風倚杖戴笠端

居溪念沉思自得未見推敲一丘一壑此子宜置是中吾聞山中舊祠泰伯夷齊
龍門呂冠世家列傳元侯之志也吾未得過而禮焉於心不能無歉歉矣於是暫
休召伯之堂容與蘇公之陂涉平涉聽飛淖憇危石觀回泗手弄流泉鬚眉昭澈
掬目漱齒清冷如雪解冠濯纓瑩然淨潔窈窕方來驚弦已往晝不停流夜亦不
爽兀焉震慄使我懍懍感聖人於川上汨英雄於逝波苟混混而如是嗟淪胥兮
幾何於是盤磴道臨幽壑度鵲橋登飛閣攀拂帽之垂條躡微苔而履錯豁然改
觀意氣軒軒飛雙鳧歟本末寄笑傲兮乾坤重霄響答下瞰千門其爲樂也融融
豈復有加於此者哉既而俯憑檐際幡爾驚疑吾聞君子不欲多上人跬步之不
謹不其折而難存乎乃瞻衡宇越郊圻歷町疇啓柴扉出沒樵風之徑長蟠釣月
之磯髣髴田家之樂矣登其堂砮矻尋常亘道玳珉陸離鋪茵五色成文而不亂
小大品第目均勻則罽賓氍毹璀璨奪目矣甃池如帶琢石爲杓一清開鏡雲霞